

POPERA GA GÁRATAANEWA YEXMAGÜXÜ GA YAXŌGÜXÜTANÜWA NAMUXÜ GA PAURU

Pauru rü nüxü narümoxē ga yema yaxōgüxü ga Gárataaneärü iānegüwa yexmagüxü

¹⁻² Pa Toeneēgü i Yaxōgüxü i Gárataaneärü Iānegüwa Ngēxmagüxü, choma i Pauru rü namaã i guxüma i taeneēgü i nuã chauxütawa ngēxmagüxü nixi i pexcèx tanaxümatüxü i ñãã popera. Rü choxü nixi ga namugüxü ga Ngechuchu ya Cristu rü Tanatü ya Tupana. Rü aixcüma tama duüxügü nixi ga choxü unetagüxü na chanaxüxcèx i ñãã Tupanaärü puracü. Natürü Tanatü ya Tupana ga Ngechuchuxü írüdaxēcü rü nūmatam ya Ngechuchu ya Cristu nixi ga choxü naxunetagüxü. ³ Rü chanaxwèxe i Tanatü ya Tupana rü tórü Cori ya Ngechuchu ya Cristu poraãcü pexü narüngüxē rü pexü nataãxē. ⁴ Rü nüma ga tórü Cori ya Ngechuchu rü nügü inaxã na tórü pecaducèx nayuxücèx na nüxna tüxü íngaxüxēxücèx i guxüma i ñoma i naãneärü chixexü. Rü yemaãcü nanaxü, yerü yema nixi ga Tanatü ya Tupanaärü ngúchaü. ⁵ ¡Namexēchi ya Tupana i guxüguma! Rü ngēmaãcü yi.

Nataxuma i to i ore i tüxü maxēxēxü

⁶ Rü yema na Cristuaxü pengechaütümüügüxcèx nixi ga pexna naxuxü ya Tupana na

penayaxuxŭcèx i maxŭ i taguma gúxŭ. Rŭ ñuxma rŭ poraãcŭ chạbaixãchiãẽ, erŭ paxaxŭchi ipenaxŭgŭ na Tupanana pixĩgachixŭ, na nawe perŭxĩxŭcèx i to i nguxẽẽtae i nagu perŭxĩnŭẽgu rŭ pexŭ maxẽxẽẽxŭ. ⁷ Natŭrŭ tama aixcŭma nangẽxma i to i nguxẽẽtae i nawa nayaxuxŭ i maxŭ i taguma gúxŭ. Natŭrŭ nangẽxma i ñuxre i duŭxŭgŭ i pexŭ naguxchaxẽẽchaŭxŭ, rŭ nanaxŭchicŭgŭchaŭ i ngẽma nguxẽẽtae i mexŭ ga pemaã nŭxŭ chixuxŭ ga Cristuchiga. ⁸ Rŭ toma rŭ marŭ pexna tanaxã ga yema nguxẽẽtae i aixcŭma ixĩxŭ i Ngechuchuchiga. Rŭ ngẽxguma chi texé pexŭ ngúexẽẽgu i to i nguxẽẽtae, rŭ name nixĩ i noxtacŭma Tupana tŭxŭ napoxcu. Rŭ woo choma chixĩgu, rŭ éxna tacŭ rŭ Tupanaãrŭ orearŭ ngeruŭ i daxŭcŭãx yixĩgu i pexŭ nguxẽẽxŭ i to i nguxẽẽtae, rŭ name nixĩ i noxtacŭma Tupana tŭxŭ napoxcu. ⁹ Rŭ ñuxma rŭ wena pemaã nŭxŭ chixu ga yema noxri pemaã nŭxŭ chixuxŭ. Rŭ ngẽxguma chi texé pexŭ ngúexẽẽgu i wŭxi i to i nguxẽẽtae i tama yema noxri peyaxuxŭrŭũ ixĩxŭ, rŭ name nixĩ i noxtacŭma Tupana tŭxŭ napoxcu. ¹⁰ Rŭ tama chomaã na petaãẽgŭxŭcèx nixĩ i ngẽma ñachaxŭ. Erŭ tama naxcèx chadau na duŭxŭgŭ chomaã taãẽgŭxŭ, natŭrŭ Tupana chomaã taãẽxŭcèx nixĩ i chadauxŭ. Erŭ ngẽxguma chi duŭxŭgŭxŭxicatama chataãẽxẽẽchaŭgu, rŭ tãũ chima Cristuarŭ puracŭtanŭxŭ chixĩ.

Ñuxãcŭ Pauruxŭ nayaxu ga Tupana na norŭ puracŭwa namuãxŭcèx

¹¹ Natŭrŭ, Pa Chaueneẽgŭx, chanaxwèxe i nŭxŭ pecuèx na ñaã ore i mexŭ i nŭxŭ chixuxŭ, rŭ tama

duŭxŭgüãēwa yīxŭ na ne naxŭxŭ. ¹² Yerü tama wüxi ga duŭxŭxŭtawa naxcèx changux. Natürü Ngechuchu ya Cristutama nixī ga choxŭ nüxŭ cuèxēcŭ. ¹³ Pema rü marü nüxŭ pexīnŭēchiga na ñuxãcŭ chamaxŭxŭ ga ũpa ga yexguma Yudíugŭcŭmagu chixŭxgu. Rü nüxŭ pexīnŭēchiga na ñuxãcŭ poraãcŭ nawe chingēchigŭxŭ ga guxŭma ga Tupanaãrŭ duŭxŭgŭ ga yaxŭgŭxŭ rŭ ñuxãcŭ chixri namaã na chaxŭpetŭxŭ na yemaãcŭ nüxŭ nüxŭ charŭxoxēxŭcèx ga yema na Ngechuchuaxŭ yaxŭgŭãxŭ. ¹⁴ Rü muxŭma ga chautanŭxŭgŭ ga Yudíugŭ ga chorŭ nayaãxgŭraŭxŭãrŭ yexera nagu chixŭ ga yema Yudíugŭcŭma. Yerü norŭ yexera meãma chayanguxē ga nacŭmagŭ ga nuxcŭmaŭgŭxŭ ga chorŭ oxigŭ nagu ĩxŭ. ¹⁵⁻¹⁶ Natürü yexguma tautama chabuxgu, rŭ woetama Tupana choxŭ naxuneta na choxŭ namuxŭcèx na chanaxŭxŭcèx i norŭ puracŭ. Rü nüma rŭ chauxcèx naca na noxrŭ chixŭxŭcèx yerü poraãcŭ choxŭ nangechaŭ. Rü yexguma Tupana naxwèxegu, rŭ choxŭ nüxŭ nacuèxē ga Nane ya Cristu. Rü yemaãcŭ nanaxŭ na ngēma duŭxŭgŭ i tama Yudíugŭ ixŭgŭxŭmaã nüxŭ chixuxŭcèx na ñuxãcŭ Ngechuchugagu tŭxŭ nangēxmaxŭ i maxŭ i taguma gúxŭ. Rü yexguma yemaãcŭ Tupana choxŭ nüxŭ cuèxēegu ga Nane, rŭ taxúenama chayaca. ¹⁷ Rü bai ga Yerucharéŭwa na chaxŭxŭ na nüxna chayaçaxŭcèx ga yema togŭ ga ngúexŭgŭ ga nüxŭra Tupana imugŭxŭ. Natürü ga choma rŭ yexgumatama Arábiaanewa chaxŭ. Rü yemawena, rŭ Damacuarŭ ñānecèx chataegu. ¹⁸ Rü tomaēxpŭx ga taunecŭguwena rŭ dŭxwa Yerucharéŭwa chaxŭ na Pedruxŭ chacuáxŭcèx.

Rü 15 ga ngunexütama naxütawa chayexma. ¹⁹ Rü yéma nüxü chadau ta ga Chaütiágu ga tórü Cori naëneë. Natürü taxuüma ga togü ga ngúexügü ga tórü Cori imugüxüxü chadau. ²⁰ Rü Tupana choxü nadau na aixcüma yüixü i ngëma ore i ñuxma pexcèx chaxümatüxü. ²¹ Rü yemawena, rü Chíriaanewa rü Chiríchiaanewa chaxü. ²² Natürü yema taeneëgü ga Cristuaxü yaxögüxü ga Yudéaanewa yexmagüxü, rü taguma choxüxüchi nadaugü. ²³ Rü yema nüxü naxĩnüëxü ga chauchiga rü ñaãxĩcatama nixĩ:

“Rü ngëma Pauru ga ũpa tawe ingëchigüxü, rü ñuxma rü duüxügümaã nüxü nixu i Tupanaãrü ore i mexü, rü namaã nayaxucuxë na Cristuaxü yaxögüãxücèx. Rü ngëmaãcü nanaxü i ñuxma rü woo ga noxri rü inayanaxoxëëchaü ga yema ore”, ñaxü. Rü yexicatama nixĩ ga chauchiga ga nüxü naxĩnüëxü. ²⁴ Rü yexguma ga yema duüxügü rü Tupanaxü nicuèxüügü nagagu ga yema Tupana chomaã üxü.

2

Yema togü ga ngúexügü ga Tupana imugüxü rü meã Pauruxü nayauxgü

¹ Rü 14 ga taunecüwena rü wenaxãrü Yerucharéüwa chaxü namaã ga Bernabé. Rü Titu rü ta íchayaga. ² Rü yéma chaxü yerü Tupana choxü nüxü nacuèxëë ga na nanaxwëxexü na yéma chaxüxü. Rü yéma Yerucharéüwa, rü yema yaxögüxüãrü ãëxgacügümaãxĩcatama changutaquëxe. Rü meãma namaã nüxü chixu ga nachiga ga yema Tupanaãrü ore i mexü ga

nūxna chaxāxū ga yema duūxūgū i tama Yudíugū ixīgūxū. Rū yemaācū meāma namaā nūxū chixu na űuxācū na yīixū ga chorū nguxēētae, yerū tama chanaxwēxe na yixcūra rū choxū nūxū naxoexū rū ngēmaācū natūcèxmamare na yīixū i ngēma puracū i chaxūxū. ³ Rū yema yaxōgūxū, rū nūmagū rū ta norū me nixī ga yema chorū nguxēētae. Rū yemacèx rū woo tama Yudíu na yīixū ga Titu rū taguma na ínawiechèxmüpéxechiraūxū, natürū yema āēxgacūgū rū tama nanamu na ínawiechèxmüpéxechiraūxūcèx. ⁴ Natürū aixcūma nixī ga űuxre ga taeneēgūneta ixīgūxū ga bexmamare tatanūgu nachocuxū. Rū yemagū nixī ga naxwèxegūxū na inawiūchèxmüpéxechiraūxū i ngēma yaxōgūxū i tama Yudíugū ixīgūxū. Rū űuxma na Ngechuchu ya Cristuarū duūxūgū ixīgūxū, rū yema taeneēgūneta rū bexma tatanūgu nachocu na tūxū nangugūgūxūcèx na űuxācū Cristu nūxna tūxū ínguxūxēēxū ga yema mugū ga Moíché űumatūxū. Yerū nūmagū nanaxwèxegū na wenaxārū nagu ixīxū ga yema mugū ga guxchaxū ga Moíché űumatūxū. ⁵ Natürū bai ga írarūwa naga na taxīnūēxū ga yema duūxūgū. Yerū tama tanaxwèxegū na texé pexū naxūchicūūxū i ngēma ore i mexū i aixcūma ixīxū i tamaā nūxū ixuxū i űuxācū tūxū na nangēxmaxū i maxū i taguma gūxū ega Cristuaxū yaxōgūgu. ⁶ Natürū yexguma yema yaxōgūxūārū āēxgacūgū ga Yerucharēūwa yexmagūxū nūxū ínūēgu ga űuxācū na yīixū ga chorū nguxēētae, rū namaā nataāēgū rū taxuūma ga űacū ga togū ga mugū choxna naxāgū na namaā changúexēētaexūcèx. Natürū tama yema na āēxgacūgū yixīgūxūgu

charüxĩnü, erü nüxũ chacuèx na Tupanapëxewa rü guxãma na wüxiguxũ. ⁷ Natürü nümagü ga yema ãëxgacügü, rü nüxũ nicuèxãchigü na choxũ yĩxũ ga namuxũ ga Tupana na yema duũxügü ga tama Yudíugü ixĩgüxũmaã nüxũ chixuxüçèx ga norü ore i mexũ, yexgumarüũ ga Pedruxũ na namuxürüũ ga Tupana na Yudíugümaã nüxũ yaxuxüçèx ga yema ore. ⁸ Rü gumatama Tupana ga Pedruxũ mucü na Yudíugümaã nüxũ na yaxuxũ ga ore i mexũ, rü gumatama Tupana nixĩ ga choxũ mucü na yema duũxügü ga tama Yudíugü ixĩgüxũmaã nüxũ chixuxüçèx ga yema ore. ⁹ Rü yemacèx ga Chaütiágu rü Pedru rü Cuáũ ga yaxõgüxũãrũ ãëxgacügü, rü nüxũ nicuèxãchigü na choxũ naxunetaxũ ga Tupana na chanaxüxüçèx i ngẽma puracü. Rü yemacèx ga yema ãëxgacügü, rü tomèx niyauxãchigü ga choma rü Bernabé na toxũ nüxũ nadauxëëgüxüçèx na aixcüma namücügü tixĩgüxũ i ngẽma puracüwa. Rü nümagü rü ta norü me nixĩ na ngẽma duũxügü i tama Yudíugü ixĩgüxũtanüwa na tanaxüxũ i Tupanaãrũ puracü rü nümagü i Yudíugütanüwa. ¹⁰ Rü toxna naxçèx naca na nüxũ tarüngüxëëgüxüçèx ga yema yaxõgüxũ ga ngearü dñeruãxgüxũ. Rü yexicatama nixĩ ga toxna nüxũ nacuèxãchixëëxũ. Rü choma rü ta ngẽmatama nixĩ i guxüguma woetama meãma chaxüxũ.

Pauru rü Aütioquíawa Pedruxũ naxucuxë

¹¹ Natürü yixcüra ga yexguma Aütioquíawa naxüxgu ga Pedru, rü noxtacüma nüxũ nüxũ chaxĩnüxëë, yerü tama aixcüma name ga yema naxüxũ namaã ga yema yaxõgüxũ ga tama Yudíugü ixĩgüxũ. ¹² Yerü noxri rü yema

duŭxŭgŭ ga tama Yudíugŭ ixĩgŭxŭmaã nachibŭ ga Pedru. Natŭrŭ yexguma yéma nangugŭgu ga ñuxre ga Yudíugŭ ga yaxŏgŭxŭ ga Chaŭtiágu yéma mugŭxŭ, rŭ Pedru rŭ marŭ tama yema duŭxŭgŭ ga tama Yudíugŭ ga yéma ngugŭxŭ ga nagu ĩxŭ ga yema nacŭma na Tupanacèx ínawiechèxmŭpèxechiraŭgŭxŭ. ¹³ Rŭ yema togŭ ga Yudíugŭ ga yaxŏgŭxŭ, rŭ yexguma nŭxŭ nadaugŭgu ga yema Pedru ŭxŭ, rŭ nŭmagŭ rŭ ta nanaxŭgŭ ga yema chixexŭ rŭ naxcèx nawoeguchaŭ ga yema nuxcŭmaŭgŭxŭ ga nacŭmagŭ. Rŭ dŭxwa ga Bernabé rŭ ta natanŭgu naxã ga yema chixexŭ ŭgŭxŭ. ¹⁴ Natŭrŭ yexguma nŭxŭ chadèuxgu na tama Tupanaãrŭ ore i mexŭ tŭxŭ nguxèexŭãcŭma na namaxèxŭ ga yema yatŭgŭ, rŭ guxŭ ga yaxŏgŭxŭpèxewa Pedruxŭ nŭxŭ chaxĩnuxèè. Rŭ ñacharŭgŭ nŭxŭ:

“Rŭ dŭcax i cuma na Yudíuchirèx quiixŭ, cuma rŭ tama aixcŭma Yudíugŭcŭmagu quixŭ. ¿Rŭ ñuxãcŭ i ñuxma i cunamuxŭ na Yudíugŭcŭmagu naxĩxŭ i ngéma duŭxŭgŭ i tama Yudíugŭ ixĩgŭxŭ?” ñacharŭgŭ nŭxŭ.

Yudíugŭ rŭ woo ngéma duŭxŭgŭ i tama Yudíugŭ ixĩgŭxŭ rŭ norŭ ŏgagu nixĩ i nayauxgŭãxŭ i maxŭ i taguma gŭxŭ

¹⁵ Rŭ pemaã nŭxŭ chixu rŭ toma rŭ aixcŭma torŭ bucŭmatama Yudíugŭ tixĩgŭ rŭ Tupanaxŭ tacuèxgŭ. Rŭ ngémaãcŭ tama duŭxŭgŭ i tama Tupanaxŭ cuèxgŭxŭ tixĩgŭ. ¹⁶ Rŭ nŭxŭ tacuèxgŭ rŭ yema nuxcŭmaŭgŭxŭ ga mugŭ ga Moïché ũmatŭxŭ rŭ tama tŭxŭ nimexèè i Tupanapèxewa, erŭ taxucŭrŭwama texé aixcŭma naga taxĩnŭè i

ngēma mugū. Natürü i ñuxma rü Tupana tüxü nadau na imexü ega Ngechuchu ya Cristuaxü yaxōgūgu. Rü yemacèx ga toma rü ta Ngechuchu ya Cristuaxü tayaxōgü na torü ōgagu Tupana toxü nadauxü na timexü. Erü nüxü tacuèxgü rü tama ngēma mugūgagu nixī na Tupanapēxewa tamexü ya wüxie, erü taxucürüwama texé aixcūma naga taxīnü i ngēma mugū na ngēmaācü Tupanapēxewa tamexüçèx. ¹⁷ Rü ñuxma i yixema rü Cristuaxü tayaxōgü, rü ngēmacèx nixī i Tupanapēxewa imexü. Natürü ngēxguma chi wüxi i ngunexūgu rü yixema nagu rüxīnüēgu rü mugūgu na ixīxūgagu yixīgu na Tupanapēxewa imexü, rü maneca tá nagu tarüxīnüē na Cristu tüxü pecaduāxēēxü. Natürü dücax, rü tama ngēmaācü nixī erü Cristu rü tagutáma texéxü napecaduāxēē. ¹⁸ Choma rü marü nüxü charüxo na nagu charüxīnüxü na mugūgu chixūxūgagu Tupanapēxewa chamexü. Natürü ngēxguma chi wenaxārü naxcèx chataegugu i ngēma nuxcūmaūgüxü i mugū rü chi nüxü charüxoxgu na Cristuaxü chayaxōxü, rü chi aixcūma wüxi i pecaduāxü chixī. ¹⁹ Yerü yexguma yema mugūwa changuxgu, rü düxwa nüxü chicuèxāchi na tama yanguxü ga yema mugū na choxü namexēēxü Tupanapēxewa. Yerü taxucürüwama aixcūma naga chaxīnü ga guxūma ga yema mugū. Rü ngēmacèx i ñuxma rü Cristuaxü chayaxō na Tupanapēxewa chamexüçèx rü naxcèxicatama chamaxüxüçèx. Rü Cristu rü curuchagu nayu na iyanaxoxüçèx ga nuxcūmaūxü ga chorü maxü ga choxü yexmaxü ga yexguma yema mugūgu chixūxgu. ²⁰ Rü ñuxma rü marü tama chaugūmaātama ichacuèx, natürü Cristu nixī

ya chomaã icuácü erü chowa namaxũ. Rũ ñuxma rü Tupana Nane ya Cristuaxũ chayaxõõcüma nixĩ i chamaxũxũ i ñoma i nañewa. Rũ nüma nixĩ ga choxũ nangechaũũxũ, rü nügü inaxãxũ na chauxcèx nayuxücèx. ²¹ Rũ tama nüxũ chaxoxchaũ i ngẽma mexũ ga Tupana taxcèx üxũ ga yexguma nayuxgu ga Cristu. Yerü yexguma chi yema mugügu ixĩxũgagu Tupanapẽxewa imexgu, rü natücèxmamare chi nixĩ ga na nayuxũ ga Cristu.

3

Ñuxma rü tama ngẽma mugügu taxĩ erü marü Cristuaxũ tayaxõgü

¹ Pa Chaueneëgü i Gárataanecũāx, pema rü pengẽāëgümare. Rũ yexguma petanüwa tayexmagügu rü meãma guxãpẽxewa pemaã nüxũ tixu rü pexcèx tanangoxẽẽ na ñuxãcü curuchagu taxcèx nayuxũ ga Ngechuchu ya Cristu. ¿Rũ texé pexũ tawomüxẽẽ i ñuxma na tama naga pexĩnüëxücèx i ngẽma ore i aixcüma ixĩxũ ga pemaã nüxũ tixuxũ? ² Rũ wüxi i orecèx pexna chaca, rü ¿ñuxãcü yĩxũ ga penayaxuxũ ga Tupanaãẽ i Üünexũ? ¿Éxna pexcèx rü yema mugü na pinguxẽëgüxũgagu yĩxũ ga penayaxuxũ, rü éxna ngẽma ore i mexũ ga nüxũ pexĩnüëxũ rü pixõgüxũgagu yĩxũ? ³ Pema rü pengẽāëgümare rü poraãcü ípetüe. Noxri rü Cristuaxũ peyaxõgü yerü Tupanaãẽ i Üünexũ pewa napuracü. ¿Rũ ñuxãcü i ñuxma i nagu perüxĩnüëxũ na wenaxarü naxcèx pewoeguxũ i ngema nuxcümaxũxũ i mugü i taguma maxũ pexna ãxũ? ⁴ Pema rü poraãcü Tupana pexũ narüngũxẽẽ. Rũ chierü tama

natüçèxmamare yixĭgu ga yema, erü taxucürüwa natüçèxmamare nixĭ. ⁵ Rŭ yexguma Tupana pexna namuxgu ga Naãē i Üünexŭ rŭ petanüwa naxüãgu ga taxŭ ga mexŭgŭ ga norü poramaã naxüxŭ, rŭ ¿tacügagu nixĭ ga naxüãxŭ ga yema? ¿Pexcèx rŭ mugŭ na pinguxēxŭgagu yĭxŭ ga Tupana naxüxŭ ga yema? Tama yemagagu nixĭ. Tupana rŭ petanüwa nanaxü ga yema taxŭ ga mexŭgŭ yerü nüxŭ peyaxogŭ ga norü ore ga nüxŭ pexĭnüëxŭ. ⁶ Rŭ dücax, pemaã nüxŭ chixu rŭ name nixĭ i nuxcümaüçü ga torü oxĭ ga Abráŭrŭŭ pixĭgŭ. Yerü Abráŭ rŭ Tupanaãxŭ nayaxō, rŭ yemacèx Tupana nüxŭ nadau ga na namexŭ. ⁷ Rŭ ngēmawa nüxŭ pedau rŭ ngēma duŭxŭgŭ i Tupanaãxŭ yaxōgŭxŭ nixĭ i aixcüma Abráŭtanüxŭ ixĭgŭxŭ i Tupanapëxewa. ⁸ Rŭ Tupanaãrŭ ore i ümatüxŭwa rŭ nüxŭ nixu na ñuxãcü Tupanapëxewa tá na yamexŭ i ngēma duŭxŭgŭ i yaxōgŭxŭ i woo tama Yudíugŭ ixĭgŭxŭ. Rŭ yemaãcü nüxŭ nixu naxŭpa ga na nangupetüxŭ. Yerü Tupana rŭ nuxcümamatama Abráŭmaã nüxŭ nixu ga ñaã ore i mexŭ i ñaxŭ:

“Rŭ cugagu tá nüxŭ charüngŭxēē i guxŭma i nachĭüãnecŭĀx i duŭxŭgŭ”,

ñaxŭ. Rŭ yemaãcü nüxŭ tacuèx rŭ Cristu rŭ Abráŭtaa na yĭxŭ. ⁹ Rŭ ngēmacèx i ñuxma rŭ Tupana nanayaxu i guxŭma i duŭxŭgŭ i yaxōgŭxŭ, yexgumarŭŭ ga Abráŭ ga yaxōcŭxŭ na nayaxuxŭrŭŭ. ¹⁰ Natürŭ chixexŭwa nangëxmagŭ i guxŭma i ngēma duŭxŭgŭ i nagu rŭxĭnüëxŭ na mugŭ yanguxēëgŭxŭgagu Tupanapëxewa yamexŭ. Erü Tupanaãrŭ ore i ümatüxŭwa rŭ ñanagürŭ:

“Rü guxūma i duūxūgü i tama aixcūma yanguxēēgūxū i guxūma i ngēma mugü i ūmatūxū, rü chixexūwa nangēxmagü”,

ñanagürü. Erü nüxū tacuēxgü na taxucürüwama aixcūma texé yanguxēēxū i guxūma i ngēma mugü.

¹¹ Rü ngēmaācū meāma nangox na tama ngēma mugü tinguxēēxūcèx yīxū na texé Tupanapēxewa mexū. Erü Tupanaārü ore i ūmatūxūwa rü ñanagürü:

“Rü yīxema tūmaārü ōgagu Tupanapēxewa mexē, rü yīxema tá tixī ya aixcūma tūxū nangēxmaxē i maxū i taguma gúxū”,

ñanagürü. ¹² Natürü ngēxguma nagu rüxīnūēgu na mugü inguxēēxūcèx yīxū na Tupanapēxewa imexū, rü taxucèx chima tūxcūū tayaxōgü. Erü Tupanaārü orewa rü ngēmachiga naxūmatü, rü ñanagürü:

“Rü yīxema aixcūma meāma yanguxēēxē i guxūma i mugü, rü ngēmagagu tá tūxū nangēxma i tūmaārü maxū”,

ñanagürü. Natürü ngēma mugü rü dūxwa chixexūwa tūxū naga erü taxucürüwama texé aixcūma meā tayanguxēē. ¹³ Natürü ga Cristu rü nawa tūxū ínanguxūxēē ga yema mugü ga chixexūwa tūxū yexmagūxēēxū. Rü taxcèx nixī ga chixexūwa nayexmaxū ga yexguma curuchagu nayuxgu. Erü Tupanaārü ore i ūmatūxūwa, rü ñanagürü:

“Rü guxāma ya yīxema wūxi i naīwa tūxū natuxēēgūācūma yūxe, rü chixexūwa tangēxma”,

ñanagürü. ¹⁴ Rü yemaācū curuchagu nayu ga Ngechuchu ya Cristu na nüxū nangūxēēxūcèx i guxūma i ngēma duūxūgü i tama Yudiúgü

ixĩgũxũ, yema Tupana Abráũmaã ixunetaxũrũ. Rũ taxcèx rũ ta nayu ga Cristu na yixema rũ ta nüxũ yaxõgũxũcèx rũ nayauxgũxũcèx i Tupanaãe i Üünexũ i tamaã inaxunetaxũ.

Tupanaãrũ uneta rũ ngẽma mugüarũ yexera name

¹⁵ Pa Chaueneẽgũx, ñuxma rũ tá pemaã nüxũ chixu i wüxi i cuèxruũ na ñuxãcü duũxũgũ tacü nügũmaã mexẽxũ. Rũ dücax, ngẽxguma chi wüxi ya yatü rũ texémaã tacücèx inaxunetagu rũ chi wüxi i poperagu meã naxümatũãgu i ngẽma, rũ taxucürüwa texé itayanaxoxẽe rũ êxna tanaxüchicüü i ngẽma norü uneta. ¹⁶ Rũ dücax, rũ yexgumarũõtama nixĩ ga nangupetũxũ ga yexguma Tupana rũ Abráũmaã rũ Abráũtaamaã inaxunetagu. Rũ Tupanaãrũ ore i ümatũxũwa rũ tama “Abráũtaagũ” ñanagürü, yerü tama muxũma ga duũxũgũchiga nidexa. Natürü yema ore rũ “Abráũtaa” ñanagürümare, yerü wüxitama ga duũxũchiga nixĩ ga yadexaxũ. Rũ yema rũ Cristuchiga nixĩ. ¹⁷ Rũ ngẽmaãcü pemaã chanangoxẽe na Tupana rũ Abráũmaã namexẽeãxũ rũ namaã inaxunetaxũ na Cristugagu tá yĩxũ i duũxũgũxũ nangũxẽeãxũ. Rũ ngẽmacèx i ñuxma rũ yema Moiché ümatũxũ ga mugü ga 430 ga taunecü yema unetawena inguxũ, rũ taxucürüwama inayanaxoxẽe ga yema Tupanaãrũ uneta ga nüxĩra Abráũmaã nüxũ yaxuxũ. Rũ ngẽmacèx i ñuxma rũ ta napora i ngẽma uneta. ¹⁸ Rũ ngẽxguma chi mugü inguxẽegũxũgagu yixĩgu na Tupana tüxũ rüngũxẽeãxũ, rũ natüçèxmamare chi nixĩ ga yema Tupanaãrũ uneta ga nüxĩra Abráũmaã nüxũ

yaxuxŭ. Natürü aixcūma nixĩ na ngetanüãcūma Abráũxŭ nangũxẽxŭ ga Tupana, yerü yemaãcü marü namaã inaxuneta. ¹⁹ Rŭ ñuxma rŭ çtacüwa namexŭ ga yema mugü ga Moĩché ümatüxŭ? Rŭ dücax, Tupana rŭ marü Abráũmaã inaxunetaguwena nixĩ ga duũxŭgüna naxããxŭ ga yema mugü, na yemaãcü duũxŭgüxŭ nüxŭ nadauxẽxŭcèx na ñuxãcü poraãcü pecadu naxüexŭ. Rŭ yemaãcü nixĩ ñuxmata ínangu ga guma Abráũtaa ya Cristu. Rŭ gumachiga nixĩ ga Abráũmaã inaxunetaxŭ ga Tupana ga noxrix. Rŭ yexguma ínanguxgu ga yema mugü, rŭ Tupana rŭ daxüçũãx ga norü orearü ngeruũgümaãxĩra nüxŭ nixu. Rŭ yemagü nixĩ ga nüxĩ Moĩchémaã nüxŭ ixugüxŭ, rŭ nüma ga Moĩché rŭ duũxŭgümaã nüxŭ nixu. ²⁰ Natürü yexguma Tupana Abráũmaã ixunetagu, rŭ nümaxŭchima ga Tupana nixĩ ga Abráũmaã nüxŭ yaxuxŭ ga yema norü uneta. Rŭ tama togümaãxĩra nüxŭ nixu na yemagü nüxĩ Abráũmaã nüxŭ ixugüexŭcèx.

Tacüçèx duũxŭgüna nanaxã ga Tupana ga yema mugü

²¹ ¿Rŭ ñuxŭ ñapegüxŭ i ñuxmax? ¿Pexcèx èxna rŭ yema Moĩché ümatüxŭ ga mugü rŭ inayanaxoxẽẽ i Tupanaãrŭ unetagü? Rŭ dücax, tama ngẽmaãcü nixĩ. Yerü yexguma chi naporagu ga yema mugü na tüxna naxããxŭ i maxŭ i taguma gúxŭ, rŭ chi Tupanapèxewa time i ngẽxguma meãma yanguxẽẽgu. ²² Natürü tama ngẽmaãcü nixĩ. Erü Tupanaãrŭ ore i ümatüxŭwa nüxŭ tatau na guxŭma i duũxŭgü rŭ pecadutüüwa nangẽxmagüxŭ. Rŭ ngẽmacèx i ñuxma rŭ yíxema

Ngechuchu ya Cristuaxŭ yaxōgŭxexicatama tixī ya nayauxgŭxe i ngēma maxŭ i aixcūma mexŭ i Tupana tamaã ixunetaxŭ. ²³ Rŭ yexguma tauta ínanguxgu ga Cristu na nŭxŭ yaxōgŭxŭcèx, rŭ mugütüŭwa tayexmagŭ rŭ tamaã inacuèx. Rŭ yemaãcŭ tixīgŭ rŭ ñuxmata Tupana taxcèx nangoxēē ga Ngechuchu ya Cristu na nŭxŭ yaxōgŭxŭcèx. ²⁴ Rŭ yemaãcŭ ga yema mugŭ rŭ tamaã inacuèx ñuxmata Cristuxŭtawa tŭxŭ nagagŭ na nŭxŭ yaxōgŭxŭcèx rŭ ngēmaãcŭ Tupanapēxewa imexŭcèx. ²⁵ Natürŭ i ñuxma na marŭ núma nanguxŭ ya Cristu na nŭxŭ yaxōgŭxŭcèx, rŭ marŭ tama ngēma mugütüŭwa tangēxmagŭ. Rŭ ñuxma rŭ marŭ taxucèxma tŭxcŭŭ tamaã inacuèx i ngēma mugŭ. ²⁶ Rŭ ñuxma na Ngechuchu ya Cristuaxŭ peyaxōgŭxŭ, rŭ Tupanaxãcŭgŭ pixīgŭ i guxãma i pemax. ²⁷ Rŭ ñuxma na Cristuégagu ípebaiŭxŭ, rŭ Cristuarŭ pixīgŭ rŭ núma rŭ pemaã inacuèx na naxrŭŭ pixīgŭxŭcèx. ²⁸ Rŭ ñuxma rŭ Tupanapēxewa rŭ nüetama nixī ega woo Yudiŭgŭ pixīgŭgu rŭ ēxna tama. Rŭ nüetama ega woo wŭxi i coriarŭ duŭxŭgŭ pixīgŭgu rŭ ēxna taxúxearŭ duŭxŭgŭ pixīgŭgu. Rŭ nüetama ega woo piyatŭgu rŭ ēxna pingexgu. Erŭ ñuxma na Ngechuchu ya Cristuarŭ duŭxŭgŭ na pixīgŭxŭ, rŭ wŭxitama i duŭxŭ pixīgŭ i guxãma i pemax. ²⁹ Rŭ ñuxma na Cristuarŭ pixīgŭxŭ, rŭ ngēmacèx waxi nixī na aixcūma Abráŭtaagŭ pixīgŭxŭ. Rŭ ngēmacèx i pema rŭ tá ta penayaxu i guxŭma ga yema Abráŭmaã inaxunetaxŭ ga Tupana.

4

¹ Rū dūcax, ngēxguma wūxi i buxū yunatūgu, rū ngēma buxū rū tama ngēxgumatama nanayaxu i nanatūarū ngēmaxūgū. Rū woo guxūma i nanatūarū ngēmaxūārū yora yixīgu, natūrū ngēxūrūxū i nanatūarū puracūtanūxūrūūmare nixī ñuxmata nayèx. ² Rū ngēmacèx nangēxma i ngēma buxūārū dauruū i namaã icuáxū rū nūxū nūxna dauxū i ngēma nanatūarū ngēmaxūgū ñuxmata nawa nangu ya yima tauncū ya noxri nanatū nagu unetacū na ngēma buxū rū nūgūmaã inacuáxūcèx. ³ Rū yexgumarūū nixī ga tamaã nangupetūxū ga noxrix. Yerū yexguma tauta Cristuxū icuèxgu, rū natūūwa tayexmagū ga yema naãègū i chixexūgū i ñoma i naãnemaã icuèxgūxū. ⁴ Natūrū yexguma nawa nanguxgu ga yema ngunexū ga inaxunetaxū ga Tupana, rū nūma nanamu ga Nane. Rū duūxūgūrūū wūxi ga ngewa nabu ga guma Nane. Rū yema Moīché ūmatūxū ga mugütūūwa nayexma ga yexguma nabuxgu. ⁵ Rū yemaãcū nūma nangu ga Tupana Nane na tūxū ínanguxūxēēxūcèx i guxāma i yixema ga noxri mugütūūwa na iyexmagūxū. Rū yemaãcū tūxū narūngūxēē ga nūma ga Tupana Nane na Nanatū ya Tupanamaã tūxū yaxuxūcèx na aixcūma naxācūgūxūchi ixīgūxū. ⁶ Rū Tupana pexna nanamu ga Naã i Ūñexū na pexū nūxū nadauxēēxūcèx na aixcūma naxācūgūxūchi pixīgūxū. Rū ngēmacèx i ñuxma rū marū name i “Pa Chaunatūx”, ñaperūgū nūxū ya Tupana. ⁷ Rū ngēmacèx i ñuxma rū Tupanaxācūxūchi quixī, rū tama wūxi i norū duūxūmare quixī. Rū ñuxma

na naxãcũxũchi quiĩxũ, rü norü ngúchaũ nixĩ na
cuxna naxããxũ i guxũma i tacü i noxrü ixĩxũ.

Pauru rü yema yaxõgũxũcèx naxoegaã

⁸ Rü ũpa ga yexguma tauta Tupanaxũ pecuèxgu,
rü perü tupananetagütüwa peyexmagü rü
nüxũ picuèxũgü ga yema tama aixcũma Tupana
ixĩgũxũ. ⁹ Natürü i ñuxma na Tupanaxũ pecuáxũ
rü nüma rü na pexũ nacuáxũ, rü çtũxcüü
wena naxcèx pewoeguchaũ i ngẽma naãẽgü
i chixexũgü i ñoma i naãnemaã icuèxgũxũ?
çRü tũxcüü penaxwèxe na wena natüüwa
pegü pengẽxmagũxẽxũ i ngẽma naãẽgü i tama
aixcũma poraexũ i natücèxmamare ixĩgũxũ?
¹⁰ Rü dücax i pemax, rü ñuxma rü ta ngẽma
nuxcũmaũgũxũ i Yudíugücũmagu pexĩama woo
Cristuaxũ na peyaxõgũxũ. Erü penaxaure i
ñuxre i ngunexũgü rü ñuxre ya tauemacügü
rü ñuxre ya taunecügü rü ñuxre i petagü, erü
nagu perüxĩnüẽ na ngẽmaãcü Tupanapèxewa tá
pimexũ. ¹¹ Rü ngẽmacèx poraãcü chaxoegaã, erü
ngürüãchi natücèxmamare tá nixĩ ga yema puracü
ga petanüwa chaxũxũ. ¹² Pa Chaueneëgũx, pexũ
chacèèxũ na chauxrüü nüxũ perüxoexũ na nagu
pexĩxũ i ngẽma Yudíugüarü mugü. Erü ñuxma
na Cristuwe charũxũxũ rü marü nüxũ charüxo
na nagu chixũxũ ga yema mugü ga ũpa tama
nagu pexĩxũ. Rü dücax, yexguma noxri petanüwa
chayexmagu rü tama choxũ pexo, rü ngẽmacèx
chanaxwèxe i ñuxma rü ta chauga pexĩnüẽ.
¹³ Rü pema rü marü nüxũ pecuèx rü yexguma
noxri pemaã nüxũ chixuxgu ga Tupanaãrü ore
i mexũ, rü yema na chidaawexũgagu nixĩ ga

petanügu charüxãũxũ rü pemaã nüxũ chixuxũ ga Tupanaãrũ ore. ¹⁴ Rü yema ðaawe ga choxũ yexmaxũ, rü woo pexcèx rü wüxi ga wèxtümüũ nixĩ, natürũ tama choxũ pexo rü tama choxũ ípetèxüchi. Natürũ meãma choxũ peyauxgũ ñoma wüxi ga Tupanaãrũ orearũ ngeruũ i daxüçũãx chiĩxürüũ. Rü ñoma Ngechuchu ya Cristu chiĩxürüũ, meãma choxũ peyauxgũ. ¹⁵ ¿Natürũ ðacü êxna nangupetü namaã ga yema perü taãe ga noxri pexũ yexmaxũ? Erü pemaã nüxũ chixu rü noxri petanüwa chayexmagu rü poraãcü chomaã petaãegũ. Rü yexguma chi pexũ natauxchagu, rü pemaã nanguxũgu, rü chi pexetü peyaxu na choxna penaxãxüçèx, yerü yemaãcü poraãcü chomaã petaãegũ ga yexguma. ¹⁶ ¿Natürũ ðacü pexũ naxüpetü i ñuxmax? ¿Pexcèx rü êxna perü uwanü chixĩ yerü pemaã nüxũ chixu ga Tupanaãrũ ore i aixcüma ixĩxũ? ¹⁷ Rü ngẽma duũxũgü i pexũ ngúexẽexũ na Yudíugücümügu na pexĩxüçèx, rü pegu narüxĩnüêneta, tama aixcüma ðacü rü mexüçèx nadaugũ. Erü nümagü rü toxna pexũ nixĩgachixẽẽchaũ na ngẽmaãcü naga pexĩnüẽxüçèx. ¹⁸ Rü ngẽma togü rü marü name na pegu naxĩnüẽxũ, natürũ nanaxwèxe na perü mexüçèx nadaugüxũ i guxũguma. Rü tama name na petanüwa changẽxmaguxicatama perü mexüçèx na nadaugüxũ i ngẽma togü. ¹⁹ Pa Chauxacügüx, wenaxãrũ ñoma wüxi i mama ngĩxãcümaã nguxnecacürüũ poraãcü pexcèx ngúxũ chinge na aixcüma meã Cristuaxũ peyaxögüxüçèx rü aixcüma naxcèx na pemaxẽxüçèx. Rü ngẽmaãcü tá chixĩ ñuxmatáta Cristu naxwèxexürüũ pixĩgü i

perü maxüwa. ²⁰ Rü chierü ñuxmatama pexütawa changëxmagu na pemaã chidexaxüchixüçèx, rü tama ñuxmarüŭ pexcèx chanaxümatümarexüçèx. Erü ñuxma rü tama nüxü chacuèx na tacügu pemaã charüxĩnüxü.

Ore i cuèxruŭ i Abráŭxütaxü ga Agáchiga rü namèxüchi ga Charachiga

²¹ Rü pema na ngëma Moïché ümatüxü i mugütüŭwa pegü pengëxmagüxëèchaŭxü, rü chanaxwèxe i chomaã nüxü pixu ngoxi aixcüma nüxü pecuá na ñuxü ñaxü i ngëma mugü. ²² Erü ngëma mugüwa nüxü tadau rü Abráŭ rü nüxü nayexma ga taxre ga nane. Rü wüxi ga nane rü naxütaxü ga Agáwa nüxü nayexma, rü naĩ ga nane rü namèxüchi ga Charawa nüxü nayexma. ²³ Rü guma nane ga naxütaxüwa nüxü yexmacü, rü nabu yerü yema nixĩ ga norü ngúchaŭ ga Abráŭ. Natürü guma nane ga namèxüchiwa nüxü yexmacü, rü nabu yerü yemaãcü inaxuneta ga Tupana. ²⁴⁻²⁵ Rü pemaã nüxü chixu i ngëma ore erü ngëmawa nangëxma i tacü i aixcüma ixĩxü i pexcèx changoxëèchaŭxü. Rü yema taxre ga ngexügü rü taxre i cuèxruŭgü nixígü na ngëmawa nüxü icuáxüçèx na ñuxãcü Tupana duŭxügüxü rüngüxëèxü na naxütawa nangugüxüçèx. Rü yema nüxĩraŭxü ga norü ngüxëè nixĩ ga yexguma Chinaĩrü mèxpúnewa Moïchéna naxãngu ga norü mugü na naga naxĩnüèxüçèx ga duŭxügü. Rü yema mugü ga Moïchéna naxãxü ga Chinaĩwa rü Agá iyixĩ ga norü cuèxruŭ. Rü yema nge ga Agá rü naxütaxü iyixĩ ga Abráŭ rü yemacèx ga ngĩxãcügü rü ngĩxrüütama togütüŭwa nayexmagü rü tama

ínanguxŭ. Rŭ yemaãcŭ ga yema nge rŭ wŭxi i cuèxruŭ iyixĩ nachiga i ngẽma Yudíugŭ i ñuxma maxẽxŭ rŭ ngẽma mugŭwe rŭxĩxŭ. Erŭ nŭmagŭ rŭ ñuxma rŭ ta natũŭwa nangẽxmagŭ i ngẽma mugŭ ga Moĩché yaxuxŭ ga mèxpúne ga Chinaĩ ya Arábiaanewa ngẽxmanewa. Rŭ ñuxma rŭ ta ngẽma mugŭgu naxĩ rŭ tama nŭxŭ narŭxoe. ²⁶⁻²⁸ Natŭrŭ yema nge ga Abráŭ namèxŭchi rŭ tama Agárŭŭ iyixĩ. Rŭ ngĩne ga Ichaá rŭ nabu yerŭ Tupanaãxŭ nayaxŭ ga Abráŭ ga yexguma Tupana namaã nŭxŭ ixuxgu rŭ tá na nŭxŭ nayexmaxŭ ga wŭxi ga nane. Rŭ ñuxma Pa Chaueneẽgŭx, yixema rŭ ta tayaxŭ i ngẽma Tupana tamaã ixunetaxŭ. Rŭ ngẽmacèx i ñuxma rŭ tama ngẽma nuxcũmaũgŭxŭ i mugŭtũŭwa tangẽxmagŭ. Rŭ ngẽmaãcŭ Abráŭ namèxŭchixacŭgŭrŭŭ tixĩgŭ. Rŭ ngẽmaãcŭ nŭxŭ tatau na aixcũma Tupana yanguxẽẽxŭ i norŭ ore ga Abráŭ namèxŭchichiga ũmatŭxŭ i ñaxŭ:

“¡Nataãẽ, Pa Ngecŭ i Ngexacŭcŭ! ¡Rŭ curŭ taãemaã rŭxáixnaxŭ woo tagumachirẽx na cuxãxãcŭxŭ! Erŭ tá cuxãxãcŭ, rŭ ngẽma ngexŭ i cuxŭtaxŭ i cuteaxŭ ãxãcŭxŭãrŭ yexera tá cuxŭ nangẽxma i cuxacŭgŭ”,

ñaxŭ. ²⁹ Natŭrŭ guma Abráŭ nane ga naxŭtaxŭwa nŭxŭ yexmacŭ, rŭ chixri namaxŭ namaã ga guma Abráŭ nane ga Tupanaãrŭ unetagagu bucŭ. Rŭ ngẽxgumarŭŭ ta i ñuxma rŭ yixema i Tupanaãẽ i Ũnèxŭgagu tŭxŭ na nangẽxmaxŭ i maxŭ, rŭ chixri tamaã nachopetŭ i ngẽma Yudíugŭ i naxwèxegŭxŭ na nagu ixĩxŭ i ngẽma mugŭ ga Moĩché ũmatŭxŭ. ³⁰ ¿Natŭrŭ ñuxŭ ñaxŭ i Tupanaãrŭ ore i ũmatŭxŭwa? Rŭ dŭcax, ngẽmawa

Abráũmaã nüxũ nixu ga na ngĩxũ ínátáxũcèx ga naxũtaxũ ngĩnemaã, yerü taxucürüwama yema ngĩnemaã nayayauxye ga norü yemaxũ ga namèxwaxũchixũcü ga naneãrũ tá ixĩxũ. ³¹ Rũ ngẽmaãcü, Pa Chaueneẽgũx, rü nüxũ tadau rü tama Abráũ naxũtaxũãcügürüũ tixĩgü, erü tama ngẽma mugütüũwa tangẽxmagü. Natürü Abráũ namèxũchixacügürüũ tixĩgü, erü Tupanaãrũ unetagagu tüxũ nangẽxma i tórü maxũ.

5

Meã pegüna pedaugü na tama wena ngẽma mugütüũwa pengẽxmagüxũcèx

¹ Rũ ñuxma ya Cristu rü marü tüxũ ínanguxũxẽẽ na tama ngẽma mugütüũwa ingẽxmagüxũcèx. Rũ ngẽmacèx name nixĩ i pegüna pedaugü na tama wena natüũwa pegü pengẽxmagüxũcèx i ngẽma mugü. ² Rũ choxũ iperüxĩnũẽ! Rũ choma i Pauru rü pemaã nüxũ chixu, rü ngẽxguma chi nagu pexĩxgu na pegü ípewiechèxmüpẽxechiraũxũ na ngẽmaãcü penayaxuxũcèx i perü maxũ, rü ngẽxguma ya Cristu rü chi taxuwama pexũ name. ³ Rũ wena pemaã nüxũ chixu rü ngẽxürüũ i yatü i nügü íwiechèxmüpẽxechiraũchaũxũ na ngẽmaãcü Tupanapẽxewa namexũcèx, rü name nixĩ i nüxna nacuèxãchi na taxucürüwa ngẽmaãcü na nayauxãxũ i norü maxũ ega tama aixcuma naga naxĩnügu i guxũma i togü i mugü. ⁴ Rũ guxãma i pema i nagu rüxĩnũẽxẽ na Tupanapẽxewa pimexũ ega nagu pexĩxgu i ngẽma mugü, rü pemaã nüxũ chixu rü marü Cristuna pixĩgachi i ngẽxgumax. Rũ ngẽxgumarüũ ta pegü nüxna peyaxũxẽẽ i

ngēma ngechaũ ga noxri Tupana namaã pexũ ngechaũxũ. ⁵ Natürü Tupanaãe i Üünexũ nixĩ i tüxũ rüngũxēxũ na yaxōgũxücèx. Rü ngēmacèx nixĩ i ínanguxēxũ na Cristugagu Tupanapēxewa imexũ. ⁶ Rü ngēmacèx i ñuxma na Ngechuchu ya Cristuarü duũxũgü ixĩgũxũ, rü nüetama nixĩ ega woo íwíechèxmüpēxechiraũgu rü ēxna tama, erü tama ngēma nixĩ i Tupanapēxewa tüxũ mexēxũ. Rü ngēma Tupana naxwèxexũ i ñuxma nixĩ na aixcūma yaxōgũxũ rü ngēmaãcü yigü na ingechaũgũxũ. ⁷ Pema rü meãma ipenaxũgü na Cristuwe perũxĩxũ. ¿Rü texé ēxna pexũ nüxũ taxoox na tama naga pexĩnüèxücèx i norü ore i aixcūma ixĩxũ? ⁸ Rü pemaã nüxũ chixu, rü tama Tupana ga noxri pexcèx cacü nixĩ ya yima pexũ nüxũ oócü. ⁹ Rü name nixĩ i nüxna pecuèxãchie rü wüxitama i duũxũ i chixexũ üxũ, rü nanachixexēe i guxũma i togü i natanüxũgü, ñoma wüxi i íraxũ i pãũãrũ puxēẽruũ rü wüxi i taxũ i pãũchara ipuxēẽxũrũ nixĩ. ¹⁰ Choma rü chayaxō na tórü Cori tá pexũ rüngũxēxũ na choma nagu charũxĩnüxũrũ nagu perũxĩnüèxücèx. Natürü Tupana tá nanapoxcu i ngēma duũxũ i pexũ chixēãxēxũ, rü nüetama nixĩ ega woo texé tixĩgu. ¹¹ Rü nümaxũ i duũxũgü rü chauchiga nidexagü, rü nüxũ nixugüe na choma rü duũxũgũxũ changúexēxũ na nügü ínawiũchèxmüpēxechiraũxücèx rü mugü na yanguxēẽgũxücèx na ngēmaãcü nüxũ nangēxmaxüçèx i maxũ i taguma gũxũ. Natürü, Pa Chaueneẽgũx, rü ngẽxguma chi ngēmaãcü duũxũgũxũ changúexēẽgu, rü tãũ chima chowe

ningëxütanü i Yudíugü, erü tãũ chima naãëwa nangux i ngëma ore i nüxũ chixuxũ nachiga ya Cristu ga curuchagu taxcèx yucü. ¹² Natürü ngëma duũxügü i pexũ chixeãëgüxũ rü pexũ ucuxëgüxũ na pegü ípewiũchëxmüpëxechiraũxücèx, rü çtũxcüũ ëxna i nümagü i tãũ noxtacüma nügü yacaugüpüxücharexegüxũ ta? ¹³ Natürü pemax, Pa Chaueneëgüx, rü Tupana pexcèx naca na ngëma mugüna ípenguxũxücèx. Natürü ñuxma na nüxna ípenguxũxũ, rü tama name i ngëmacèx pexeneärü ngúchaũ pexügü. Natürü name nixĩ na pegü pengechaũgüxũ rü ngëmaãcü pegü perüngũëëgüxũ i wüxichigü. ¹⁴ Erü guxüma i Tupanaärü mugü rü wüxi i muwatama nangox rü ñanagürü:

“¡Rü nüxũ nangechaũ i cumücü na cugütama cungechaũxürü!”

ñanagürü. ¹⁵ Natürü name nixĩ i pexuãëgü erü ngëxguma chi pegümaã penuëgu rü pegüchi pexaiegu, rü ngürüãchi tá pegü pewoone rü tá ípeyanaxoxëë i Tupanaärü ore i pewa ngëxmaxũ.

Ngëma taxüneärü ngúchaũ rü tama Tupanaãë i Üünexũärü ngúchaũmaã nawüxigu

¹⁶ Pemaã nüxũ chixu, rü name nixĩ i Tupanaãë i Üünexũ naxwëxexũãcüma pemaxë. Rü ngëxguma ngëmaãcü pemaxëgu, rü tãütáma pexeneärü ngúchaũ pexügü. ¹⁷ Erü ngëma taxüneärü ngúchaũ rü tama Tupanaãë i Üünexũärü ngúchaũmaã nawüxigu. Rü ngëma Tupanaãxë i Üünexũärü ngúchaũ rü tama taxüneärü ngúchaũmaã nawüxigu. Erü ngëma taxre i ngúchaũgü,

rü nügüchi naxaie erü wüxichigü i ngēma rü tamaã inacuáxchaũ. Rü ngēmacèx i pema rü taxucürüwa penaxü i ngēma pematama penaxwèxexũ. ¹⁸ Natürü ngēxguma Tupanaãe i Üünexũ pemaã icuèxgux, rü marü tama ngēma nuxcümaũgüxũ i mugütüüwa pengëxmagü. ¹⁹ Rü meãma nangox na ñuxãcü namaxèxũ i ngēma duüxügü i naxüneärü ngúchaũ ügüxũ, rü naĩ i ngemaã maxèxũ, rü airugürüümare ixĩgüxũ. Rü tama naxãneẽ na tacü rü chixexũ naxügüxũ. ²⁰ Rü tupananetachicünèxãgüxũ nicuèxüügü, rü nayuue rü nangõxwèxegü, rü aigu narüxĩnüẽ, rü nachoxügawèxegü, rü togüchi naxaie norü ngēmaxügücèx, rü nanuxwèxegü, rü duüxügüxũ naxucuxègü na to i nguxèëtaegu naxĩxücèx, rü ngēmaãcü nayatoye i duüxügü na tama wüxigu naxĩnüèxüçèx. ²¹ Rü togüarü ngēmaxügücèx nixãüxãchigü, rü nangãxèwèxegü, rü peta naxügüecha, rü nanaxügü i muxüma i togü i chixexügü i ngēxgumarüũ ixĩxũ. Rü ngēmacèx, wena pemaã nüxü chixu rü guxüma i ngēma duüxügü i ngēmaãcü maxèxũ, rü nataxütáma i nachica i ngextá Tupana aëxgacü íyĩxüwa. ²² Natürü ngēxguma Tupanaãe i Üünexũ tamaã icuèxgu, rü nüma nixĩ i tüxü nangüxèèxũ na yigü ingechaügüxüçèx, rü itaãègüxüçèx, rü meã yigümaã imaxèxüçèx, rü yaxna namaã ixĩnüèxüçèx i togü, rü togümaã imecümagüxüçèx, rü togüxü rüngüxèègüxüçèx, rü aixcüma yanguxèèxüçèx i ngēma nüxü ixuxũ. ²³ Rü ngēxgumarüũ ta Naãe i Üünexũ tüxü narüngüxèè na tama chixexümaã nataeguxèèxüçèx ega togü

chixexŭ tamaã üxgux. Rŭ tüxŭ narüngŭxëẽ na meãma yigŭnatama idauxŭcèx na tama chixexŭgu iyixŭcèx. Rŭ nataxuma i mugŭ i nachuxuxŭ na naxŭxŭ i ngẽma mexŭgŭ. ²⁴ Rŭ ngẽma duŭxŭgŭ i aixcŭma Ngechuchu ya Cristuarŭ duŭxŭgŭ ixŭgŭxŭ, rŭ marŭ nüxŭ narŭxoe ga yema nuxcŭmaŭxŭ ga norŭ maxŭ ga chixexŭ, rŭ yema naxŭneãrŭ ngŭchaŭgŭ ga chixexŭ, rŭ guxŭma ga ŭacŭ ga to ga ngŭchaŭ ga tama mexŭ. ²⁵ Rŭ ñuxma na Tupanaãẽ i Üünexŭ tüxna naxãxŭ i tórŭ maxŭ, rŭ name nixŭ i nüma tórŭ maxŭmaã na inacuáxŭ. ²⁶ Rŭ tama name i yigŭ ítarŭta rŭ togŭmaã tanuãẽ, rŭ bai na ŭacŭcèx ixãŭxãchixŭ.

6

Name nixŭ i guxãma i pema rŭ pegŭ perüngŭxëẽgŭ i wŭxichigŭ

¹ Pa Chaueneẽgŭx, ngẽxguma chi texéxŭ pedèuxgu na ŭacŭ rŭ chixexŭgu tanguxŭ, rŭ pema na Tupanaãẽ i Üünexŭ naxwèxexŭãcŭma na pemaxéxŭ, rŭ name nixŭ i tüxŭ pengechaŭãcŭma tüxŭ perüngŭxëẽ na itayarŭwèxãchixŭcèx. ¡Natŭrŭ pexuãẽgŭ i wŭxichigŭ, na tama pema rŭ ta nagu peyixŭcèx i ngẽma chixexŭ! ² ¡Rŭ pegŭ perüngŭxëẽgŭ i ngẽxguma texé petanŭwa guxchaxŭgŭ tüxŭ ngẽxmagu! Erŭ ngẽxguma ngẽmaãcŭ pegŭ perüngŭxëẽgu, rŭ ngẽmaãcŭ tá peyanguxëẽ i ngẽma Cristu pexŭ muxŭ. ³ Rŭ ngẽxguma texé nagu rŭxŭnŭgu na wŭxi i ŭacŭ tixŭxŭ, rŭ tŭgŭtama tawomŭxëẽ, erŭ Tupanapèxewa rŭ taxuŭmachirèx tixŭ. ⁴ Rŭ ngẽmacèx i wŭxichigŭ, rŭ name nixŭ i tŭgŭarŭ maxŭtama tangugŭ.

Rü ngëxguma namexgu i tümaärü maxü, rü tügümaã tátama tataãë, rü taxucèxma tūxcüü togüarü maxüwa tügü tangugüarü maxüãx. ⁵ Erü tanaxwèxe ya wüxichigü na tümaärü maxünatama tadauxü i Tupanapëxewa. ⁶ Rü yíxema nayaxuxe i nguxëëtae i Tupanaärü orewa rü name nixí na tümaärü nguxëëruümaã tangauxü i gúxü i tümaärü ngëmaxügü. ⁷ ¡Rü pexuãëgü na tama ípetüexüçèx i perü maxüwa! Erü taxucürüwa texé Tupanaxü tawomüxëë. Rü yíxema chixexü úxe, rü chixexü tá tayaxu. Rü yíxema mexü úxe, rü mexü tá nixí i tayaxuxü. ⁸ Rü yíxema tümaxüneärü ngúchaü úxe, rü ngëma tümaxüneärü ngúchaü rü tá yuwa tūxü naga. Natürü yíxema Tupanaãë i Üünexüärü ngúchaü úxe, rü ngëma Tupanaãë i Üünexüwa tá tanayaxu i maxü i taguma gúxü. ⁹ Rü ngëmacèx tama name na nüxü rüchauexü na mexü ixüexü. Erü ngëxguma chi tama nüxü rüchauegu, rü düxwa mexü tá tayaxu i Tupanaxütawa. ¹⁰ Rü ngëmacèx ngëxguma tūxü nangëxmagu na tacümaã togüxü rüngüxëëxü, rü name nixí i guxãxüma tarüngüxëë. Natürü yexera tanaxwèxegü na nüxü rüngüxëëgüxü i ngëma taeneëgü rü taeyèxgü i yaxögüxü.

Pauru rü nüxü narümoxë ga yema yaxögüxü, rü nayaxucuxëgü

¹¹ Rü nuã tá ichanaxügü na chomaxüchima choxmëxmaã pexcèx chanaxümatüxü i ñaã popera. ¡Rü dücax, nüxü pedèux i ngëma choma chaxümatüxü na ñuxãcü natamatüxü!
¹² Rü ngëma Yudíugü i pexü ngúexëëxü na pegü ípewiechëxmüpëxechiraügüxüçèx, rü

ngēmaācū pexū namu erū nanataāēxēēgūchaū
 i ngēma togū i Yudíugū na tama naxchi
 naxaixūcèx nagagu na Ngechuchu ya Cristu
 ga curuchagu yucūaxū na yaxōgūāxū. ¹³ Erū
 woo i nūmagū na ínawiūchèxmūpēxechiraūxū,
 rū tama nayanguxēē i guxūma i mugū.
 Natürü nūmagū rū nanaxwèxegū na pegū
 ípewiūchèxmūpēxechiraūxū, na yixcama nūgū
 yacuèxūūgūxūcèx rū togū i Yudíugūmaā nūxū na
 yaxuxūcèx na pema rū ta naxrūū nagu pexīxū i
 ngēma nuxcūmaūgūxū i mugū. ¹⁴ Natürü i choma
 rū chaugū chicuèxūū erū nūxū chayaxō ya tórū
 Cori ya Ngechuchu ya Cristu ga curuchagu yucū.
 Rū ngēmacèxicatama nixī i chaugū chicuèxūūxū.
 Rū ñuxma na Cristu ga curuchagu yucūaxū
 chayaxōxū, rū marū tama nagu charūxīnū i ñoma
 i naāne rū norū ngēmaxūgū. Rū ngēxgumarūū ta
 i ñoma i naāne rū marū tama choxū nacuáxchaū.
¹⁵ Erū ngēxguma Ngechuchu ya Cristuarū duūxūgū
 ixīgūgu, rū Tupanapēxewa rū taxuūma nixī i
 ngēma na íwiechèxmūpēxechiraūxū rū ēxna tama.
 Natürü ngēma aixcūma napēxewa mexū nixī na
 naxūchicūūxū i tórū maxū na ngexwacaxūxū i
 duūxūgū ixīgūxūcèx. ¹⁶ Rū Tupanana naxcèx
 chaca na pexū nataāēxēēgūxūcèx rū nūxū
 pengechaūtumūūgūxūcèx i guxāma i pema i
 aixcūma yanguxēēgūxe i ngēma pemaā nūxū
 chixuxū, rū guxāma ya yíxema aixcūma Tupanaārū
 duūxūgū ixīgūxe. ¹⁷ Rū ñuxmawena rū tama
 chanaxwèxe na texé tacū rū guxchaxūgū choxna
 āxū. Erū choma rū aixcūma tórū Cori ya
 Ngechuchuarū duūxū chixī. Rū ngēma chorū
 oxrigūchica i chowa ngēxmagūxūwa nūxū pecuèx

na aixcüma yĩxũ i ngẽma. ¹⁸ Pa Chaueneẽgũx,
chanaxwèxe i tórü Cori ya Ngechuchu ya Cristu
pexũ narüngũxẽẽ i guxãma i pemax. Rũ ngẽmaãcü
yĩ.

Rũ nuãma pexna,
Pauru

**Tupanaarü Ore i Tóru Cori ya Ngechuchu ya
Cristuchiga
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files dated 29 Jan 2022

9d5dc22a-30be-5d26-85a9-76047f4c89e6